

Nefndasvið Alþingis
Menntamálanefnd Alþingis
Austurstræti 8-10,
150 Reykjavík

Alþingi
Erindi nr. P 133/959
komudagur 14.2.2007

Reykjavík 8. febrúar 2007

Efni: Umsögn um lagafrumvarp, um sameiningu Kennaraháskóla Íslands og Háskóla Íslands, 431. mál.

Við er til bréfs nefndarritara menntamálanefndar, dags. 31. janúar 2007, þar sem Bandalagi háskólamanna er gefinn kostur á að gefa álit sitt á framangreindu frumvarpi til laga.

Stuðningur BHM við framkomið frumvarp byggir á eftirfarandi fyrirvörum:

Að lögum um Háskóla Íslands verði breytt í samræmi við stefnu Háskóla Íslands um að honum verði skipt upp í skóla og að KHÍ verði einn af þeim skólum.

Að KHÍ haldi a.m.k. þeim fjárveitingum sem honum reiknast skv. núverandi reiknilíkani og tryggt verði að framlag til hans verði ekki skert með deililíkani HÍ. Kostir sameiningar fyrir kennaramenntun í landinu felast í því að KHÍ haldi fjárveitingum sínum og eflist með aukinni samvinnu og samstarfi innan HÍ.

Að breytingin verði ekki til að veikja kennaranám og sameiningin verði ekki til að veikja eða draga úr þeim gæðum sem KHÍ hefur t.d. varðandi fjarkennslu, búnað og tæki í samanburði við HÍ.


Að samræming reglna um vinnumat, ársmat, rannsóknarleyfi og ferðastyrki leiði ekki til rýrnunar kjara starfsmanna KHÍ og verði unnin í nánú samstarfi við starfsmenn skólanna.

Að samræming stofnanasamninga sameinaðs háskóla og BHM (og annarra stéttarféлага) leiði ekki til kjaraskerðingar.

Að unnið verði að því fram að sameiningu að þeim kennurum (aðjunktum) sem hafa verið tímabundið ráðnir við KHÍ og starfað sem slíkir í tvö ár eða lengur verði veitt ótímabundin ráðning sbr. 41. gr. laga nr. 70/1996 um réttindi og skyldur starfsmanna ríkisins.

Ef framangreindir fyrirvarar verða uppfylltir telur BHM líkur á að sameining háskólanna geti orðið til þess að styrkja menntun, kennslu og rannsóknir sameinaðra skóla innan Háskóla Íslands.

Virðingarfyllst,



Stefán Aðalsteinsson,
framkvæmdastjóri BHM.